



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

In Festo Natiuitatis S. Ioannis Baptistæ. De vita S. Ioannis Baptistæ.

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

In Festo Natiuitatis S. Ioannis 24. Iun.
Baptistæ.

De vita S. Ioannis Baptiste.

I. **C**ONsidera profusissimam Dei erga B. Ioannem liberalitatem, quem vti ab æterno ad gloriam antesignano Prophetarum, principi Martyrum, primicerio Virginum, Prodromo venturi Saluatoris hominum debitam prædestinavit: sic in tempore omnibus naturæ & gratiæ præsijs necessarijs abundè instruxit, & paternæ suæ prouidentia suauiter & efficaciter ad eandem consequendam deduxit, eum in vtero matris sanctificando, ab amore mundi puerulum abstrahendo, è sinu parentum in solitudine abducendo, ad Angelicam istic vitam agendam instigando, tandemque inde ad officium præcursoris complendum euocando. Admiratio, congratulatio, gratiarum actio.

II. Eximium B. Ioannis in cooperando tot communicatis sibi peculiaris gratiæ

gratiæ

gratiæ prærogatiuis conatum tota vita continuatum, qui elucet ex quadruplici eius ardentissimo zelo propria perfectionis, salutis proximorum, gloriæ Christi, & martyrij: Nam non solum obnixè studuit angelicam puritatem mentis & corporis ab omni labe becula immunem, illibatamque à primo vitæ exordio vsque ad extremum halitum conseruare, ab omni hominum consortio se ad trigefimum ætatis annum segregando, asperrimam vitam agendo, locustis & melle siluestri vitando; sed inluper in solidis virtutibus, & in deuotionis, arctiorisque cum diuina voluntate coniunctionis exercitijs, instructore Spiritu sancto, indies proficere contendit, intimæ humilitatis, gratitudinis, amoris, resignationis, aliarumque virtutum affectus frequentando, & dies noctesque diuinæ contemplationi vacando.

2. Omnes non solum verbo, sed etiam vitæ exemplo ad seriam pœnitentiam agendam, atque ad Christum verum Messiam agnoscendum permouere, vsque dum vita deficeret, non desijt.

3. Vt Christi gloriam promoueret, omnesque quos posset ad ipsum audi-

diendum sequendumque pertraheret, se deserere, suamque existimationem diminui æquo lætoque animo sustinuit.

4. Pro veritatis prædicatione & iustitiæ propugnatione, ut cœlesti Sponso candido & rubicundo euaderet similior, carceris squalorem, & Herodiani mucronis aciem non exhorruit. Admiratio, & imitatio huius quadruplicis zeli.

III. Liberalissimam Dei in eodem remunerando, glorificandoque munificentiam: In hac quidem vita tanta omnium gratiarum prærogatiua, tam peculiari protectione & assistentia, tanta cœlestium illustrationum & consolationum affluentia: In altera tanta gloriæ essentialis sublimitate, tanta triplicis aureolæ Virginum,

Martyrum, Doctorum præemi-

nentia. Congratulatio,

spes, desideriumque

similis gloriæ

promerenda,

da.

In